



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 447 005
Centrala: 032 447-000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 01-02-1890/20
Zenica, 22.04.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača **Inel-Med doo Mostar**, kao jedine dostavljene i najpovoljnije za javnu nabavku robe – **mobilne stanice za infuzomate i perfuzore** za potrebe JU Kantonalna bolnica Zenica, ukupne vrijednosti ponude **26.730,00 KM bez PDV-a**, i dodjeljuje ugovor navedenom ponuđaču.

II

Javna nabavka je provedena putem hitnog pregovaračkog postupka bez objave obavještenja, tender broj: 31-N-41/20, uz objavu ex-ante obavještenja o transparentnosti.

III

Sa odabranim ponuđačem iz tačke I.ove odluke zaključiče se ugovor na ukupnu vrijednost ponude od **26.730,00 KM, bez PDV-a**, na period do isteka trajanja garancije, a nakon pravosnažnosti ove odluke.

IV

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku robe – **Mobilne stanice za infuzomate i perfuzore za potrebe JU KBZ (tender broj: 31-N-41/20)** imenovana Odlukom direktora broj: 01-02-276-1/20 od 14.04.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe – **Mobilne stanice za infuzomate i perfuzore za potrebe JU KBZ (tender broj: 31-N-41/20)**.

Odlukom direktora broj 01-02-276/20 od 14.04.2020. godine pokrenut je postupak javne nabavke robe – **Mobilne stanice za infuzomate i perfuzore za potrebe JU KBZ (tender broj: 31-N-41/20)** ukupne procijenjene vrijednosti **27.000,00 KM bez PDV-a** za zaključivanje ugovora do isteka trajanja garancije na opremu, pregovaračkim postupkom BEZ objave obavještenja o nabavci, a u skladu sa članom 21. st.1.tačka b) Zakona o javnim nabavkama.

Pregovarački postupak bez objave obavještenja je odabran za korištenje iz sljedećih razloga:

Zakonom o javnim nabavkama BiH, čl.21. propisani su uslovi za dodjelu ugovora o nabavci putem pregovaračkog postupka bez objave obavještenja, i to, d) kada izuzetno, zbog dokazivih razloga krajnje hitnosti prouzrokovane događajima nepredvidivim za ugovorni organ ne mogu ispoštovati ovoim zakonm utvrđeni minimalni rokovi za otvoreni, ograničeni ili pregovarački postupak za objavu obavještenja. Okolnosti kojim se opravdava izuzetna hitnost postupka ni u kom slučaju ne smiju se dovesti sa ugovornim organom.

Zbog proglašenja vandrede situacije-nesreće u BiH zbog korona virusa, a u cilju borbe i zaštite od korona virusa, hitno je potrebno obezbijediti neophodnu nedostajuću opremu u Bolnici, zbog potrebe dijagnosticiranja bolesti i zaštite pacijenata, građana i medicinskog osoblja potencijalno zaraženih od korona virusa u ZDK, a zbog okolnosti da ne postoji niti jedna druga zakonska mogućnost za nabavku navedene opreme, smatramo da su ispunjeni uslovi za provođenje hitne nabavke navedene opreme putem pregovaračkog postupka bez objave obavještenja. Prije pokretanja pregovaračkog postupka, ugovorni organ je izvršio istraživanje tržišta, uputio zahtjev za dostavu ponude prema ponuđačima koji se bave prometovanjem navedene opreme, nakon kojeg je pristigla jedna tehnički prihvatljiva ponuda i to ponuda firme Inel Med doo Mostar na iznos od 26.730,00 KM, bez PDV-a, tako da se pregovarački postupak javne nabavke provede samo sa ponuđačem koji je dostavio napovoljniju ponudu.

Na osnovu člana 28. st. (4) ZJN, u cilju transparentnog postupanja, ugovorni organ će na svojoj internetskoj stranici objaviti informacije o pregovaračkom postupku bez objave obavještenja o predmetnoj nabavci, na način da će objaviti tendersku dokumentaciju i istu učiniti dostupnom za sve druge zainteresirane kandidate/ponuđače, te iste pozvati za učešće u postupku.

Poziv za učešće u predmetnoj javnoj nabavci poslan je ponuđaču dana 17.04.2020. godine sa rokom za prijem zahtjeva za učešće do 20.04.2020.g do 11,00 sati, i otvaranjem ponuda/zahtjeva za učešće zakazanim za dan 20.04.2020.g. u 11,05 sati.

Nakon isteka roka za dostavljanje zahtjeva za učešće, Komisija za nabavke je u 11,05 sati pristupila realizaciji **I faze** nadmetanja odnosno predkvalifikacije tj. analizi dokumentacije priložene uz zahtjev za učešće u smislu provjere njihove validnosti obzirom na iskazane kvalifikacione zahtjeve ugovornog organa u tenderskoj dokumentaciji, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija konstatuje da zahtjev za učešće/ponudu dostavio je jedini pozvani kandidat: „INEL MED“ d.o.o. Mostar

Komisija je tražila dostavu sljedećih dokumenata kako bi kandidati dokazali svoju kvalificiranost:

Lična sposobnost kandidata (član 45. Zakona o javnim nabavkama BiH)

U svrhu dokazivanja lične sposobnosti kandidat je dužan dokazati da:

- a) u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti iz tačke 6.1. kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH, Prilog broj 2 (u prilogu ove TD), ovjerenu kod nadležnog organa. Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u svrhu dokazivanja činjenica datih u Izjavi, i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponudaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Izjava ne smije biti starija od 15 /petnaest/dana od dana predaje ponude.

Ponudjač je dužan u svrhu dokazivanja **profesionalne djelatnosti** dokazati da je:

- a) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.
- b) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH

U svhu dokazivanja uslova iz **tačke a)** ponudjač je dužan dostaviti aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz **tačke b.)** aktuelni-važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponudjač je dužan u svrhu dokazivanja **tehničke sposobnosti** kandidata (član 48. i 49. ZJN BiH) dokazati:

- a) da je ponudjeno medicinsko sredstvo upisano u registar medicinskih sredstava kod Agencije za lijekove i medicinska sredstva BiH,
- b) da ponudjeno medicinsko sredstvo posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- c) Opise i/ili fotografije ponuđenog medicinskog sredstva

U svrhu dokazivanja uslova iz tačke a) ponudjač je dužan dostaviti kopiju važećeg dokumenta (rješenje, potvrda i sl.) o upisu ponuđenog medicinskog sredstva u registar medicinskih sredstava kod Agencije za lijekove i medicinska sredstva BiH.

U svrhu dokazivanja uslova iz tačke b) ponudjač je dužan dostaviti:

- EC –Certifikat o uskladenosti ili izjave proizvođača o uskladenosti ponuđenog medicinskog sredstva s evropskom direktivom (Declaration of Conformity).
- Izjava ponudjača da će uz isporuku medicinskog sredstva dostaviti ovjerenu kopiju saglasnosti za uvoz medicinskog sredstva izdatog od strane Agencije za lijekove i medicinska sredstva BiH (originalan dokument),

U svrhu dokazivanja uslova iz tačke d) ponuđač je dužan dostaviti:

- prospektnu dokumentaciju za ponuđeno medicinsko sredstvo (tehničke karakteristike, kataloška slika) na jednom od službenih jezika u B i H,

NAPOMENA: Primjena uslova za dokazivanja tehničke sposobnosti kandidata (član 48. i 49. ZJN BiH) pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016.godine. Za ponuđače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b).

Izjave i dokumenti o uslovima za isporuku robe koji su sastavni dio ponude pozvanog ponuđača

Obezbjedjenje uslova za isporuku robe kandidat dokazuje na osnovu slijedećih dokumenata:

1. Izjava ponudjača da garantni rok za isporučena medicinsku opremu iznosi minimalno 1 godine od isporuke,
2. Izjava ponudjača da je za vrijeme garantnog roka servis i rezervni dijelovi besplatni,
3. Izjava da su za opremu obezbjedjeni rezervni dijelovi i ovlaštenu servis za minimalno 10 godina od isporuke,
4. Izjava da će se svi kvarovi na aparatu otkloniti u roku od 48 sati nakon prijave kvara, odnosno maksimalno 7 dana neophodnih za nabavku i zamjenu neispravnih rezervnih dijelova, uz odziv servisera najkasnije u roku od 24 sata od momenta prijave kvara od strane nadležne osobe naručioca,
5. Izjava ponuđača da će ustupiti ugovornom organu zamjenski aparat istih karakteristika u slučaju da popravka kvara traje duže od 7 dana i koji će biti na raspolaganju ugovornom organu sve do okončanja popravke
6. Izjava ponuđača o opciji ponude u skladu sa tačkom III.6. TD, ovjerena i potpisana od strane ovlaštene osobe
7. Izjava ponuđača o mjestu isporuke u skladu sa tačkom 3. TD, ovjerena i potpisana od strane ovlaštene osobe
8. Izjava ponuđača o roku isporuke u skladu sa tačkom 4. TD, ovjerena i potpisana od strane ovlaštene osobe
9. Izjava ponuđača da pristaje na elektronsku korespondenciju, ovjerena i potpisana od strane ovlaštene osobe

Sadržaj zahtjeva za učešće i način pripreme zahtjeva za učešće

Kandidati su obavezni da pripreme zahtjeve za učešće u skladu sa uslovima koji su utvrđeni u ovoj TD. Zahtjevi za učešće koji nisu u skladu sa ovom TD će biti odbačeni kao neprihvatljivi, sve u skladu sa članom 68. Zakona o javnim nabavkama. Kandidati ne smiju mijenjati ili nadopunjavati tekst TD. Kandidati snose sve troškove nastale na ime pripreme i dostavljanja njihovih zahtjeva za učešće. Ugovorni organ ne snosi nikakve troškove kandidatu. Zahtjev za učešće se izrađuje na način da čini cjelinu. Ako zbog obima ili drugih objektivnih okolnosti zahtjev za učešće ne može biti izrađen na način da čini cjelinu, onda se izrađuje u dva ili više dijelova. Zahtjev za učešće se čvrsto uvezuje na način da se onemoguću naknadno vađenje ili umetanje listova. Stranice zahtjeva za učešće se označavaju brojem na način da je vidljiv redni broj stranice. Zahtjev za učešće neće biti odbačen ukoliko su listovi zahtjeva za učešće numerisani na način da je obezbijeden kontinuitet numerisanja.

Zahtjev za učešće mora sadržavati izjave i dokumente tražene ovom TD, i to:

- *Zahtjev za učešće na Obrascu (Prilog broj 1), popunjen, ovjeren i potpisan od strane ovlaštene osobe;*
- Popis dokumentacije priložene uz ponudu sa osnovnim podacima ponuđača, ovjeren i potpisan od strane ovlaštene osobe
- Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH (Prilog broj 2), ovjerenu kod nadležnog organa ,
- Dokumentaciju u skladu sa tačkom 6.1. TD iz koje se vidi da isti ispunjava uslove iz člana 45. ZJN BiH
- Dokumentaciju u skladu sa tačkom 6.2. TD iz koje se vidi da isti ispunjava uslove iz člana 46. ZJN BiH
- Dokumentaciju u skladu sa tačkom 6.3. TD iz koje se vidi da isti ispunjava uslove iz člana 48. i 49. ZJN BiH
- Izjave u skladu sa tačkom 6.3. TD, potpisane i ovjerene od strane ovlaštene osobe
- Izjava o ne davanju mita i ne učestvovanju u radnjama koje za cilj imaju korupciju u predmetnoj javnoj nabavci (čl.52. Zakona o javnim nabavkama) (Prilog broj 3), ovjerenu kod nadležnog organa;
- Obrazac povjerljivih informacija, (Prilog broj 4),
Ukoliko Zahtjev za učešće/ponude, umjesto lica upisanog u sudski registar, potpisuje ovlašteno lice, potrebno je uz Zahtjev za učešće, dostaviti i
- Original ili ovjerenu fotokopiju punomoći lica ovlaštenog za potpisivanje Zahtjeva za učešće/ponuda.
Prilozi su sastavni dio Tenderske dokumentacije.
Prilozi koji se dostavljaju uz zahtjev za učešće :
-Prilog broj 1: OBRAZAC ZA DOSTAVLJANJE ZAHTEVA ZA UČEŠĆE U HITNOM PREGOVARAČKOM POSTUPKU NABAVKE BEZ OBJAVE OBAVJEŠTENJA
-Prilog broj 2: Izjava o ispunjenosti uslova iz člana 45. stav (1) tačka od a) do d) Zakona o javnim nabavkama BiH
-Prilog broj 3: Izjava o nedavanju mita i ne učestvovanju u radnjama koje za cilj imaju korupciju iz člana 52. stav (2) Zakona o javnim nabavkama BiH
-Prilog broj 4. Obrazac povjerljive informacije

1. Kandidat „INEL MED“ d.o.o. Mostar, je dostavio slijedeća tražena dokumenta:

- Naslovna strana Faza 1. Zahtjev za učešće,
- Specifikacija dostavljenih dokumenata uz ponudu na memorandum ponuđača, potpisan i ovjeren od strane ovlaštene osobe, potpisana i ovjerena od strane ovlaštene osobe,
- Osnovni podaci o ponuđaču na memorandum ponuđača, potpisan i ovjeren od strane ovlaštene osobe, potpisana i ovjerena od strane ovlaštene osobe,
- Obrazac za dostavljanje zahtjeva za učešće, sa sadržajem ponude, Prilog broj 1, popunjen, potpisan i ovjeren od strane ovlaštene osobe;
- Obrazac za povjerljive informacije, Prilog broj 4., popunjen, ovjeren i potpisan od strane ovlaštene osobe.

- Obrazac izjave o ispunjenosti uslova iz člana 45. stav (1) tačkica od a) do d) Zakona o javnim nabavkama BiH, **Prilog broj 2**, ovjeren kod nadležnog organa 17.04.2020. godine;
- Uvjerenje suda BiH u Sarajevu, broj Su: 03-17370/20 od 04.03.2020. godine o činjenicama iz službene evidencije, u smislu **čl.45.st.2 tačka a) ZJN** BiH, ovjeren kod nadležnog organa 17.04.2020. godine,
- Potvrda broj Su-uvip 628/2020 od 03.03.2020. god., Općinski sud u Mostaru, da protiv ponuđača nije donesena pravomoćno-pravosnažna osuđujuća presuda, za kazneno krivična djela organiziranog kriminala, za korupciju, prevaru ili pranje novca, u skladu sa važećim propisima u BiH, kopija ovjeren kod nadležnog organa 17.04.2020. god.
- Potvrda broj Su-uvip. 629/2020 od 03.03.2020. god., Općinski sud u Mostaru, da ponuđač nije pod stečajem, niti je predmet stečajnog postupka, kao i da nije predmet likvidacije, kopija ovjeren kod nadležnog organa 17.04.2020. god.
- Uvjerenje broj 13-7/1-12-3166-1/20 - M.Š. od 03.03.2020. god., izdato od Porezne uprave Federacije BiH Porezna ispostava Mostar, da ponuđač nema duga po osnovu javnih prihoda, kopija ovjeren kod nadležnog organa 17.04.2020. god.
- Uvjerenje broj 02/6/III-16-11-2-999/20 od 04.03.2020. god., Uprave za indirektno-neizravno oporezivanje, Regionalni centar Mostar, da ponuđač nema dospjelih, a neizmirenih obaveza po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda, kopija ovjeren kod nadležnog organa 17.04.2020. godine,
- Aktuleni izvod iz sudskog registra, od 04.03.2020. godine, Općinski sud u Mostaru, kopija ovjeren kod nadležnog organa 17.04.2020. godine
- Uvjerenje broj 04/1-17-56-1407-2/07 od 20.12.2007. godine, o registraciji/upisu ponuđača u Jedinstveni registar obveznika neizravnih poreza, kopija ovjeren kod nadležnog organa
- Uvjerenje o poreznoj registraciji izdato 29.11.2007. godine, Porezna uprava-Kantonalni ured Mostar, kopija ovjeren kod nadležnog organa
- Rješenje Agencije za lijekove i medicinska sredstva BiH, broj: 10-07.12-4-4171-2/18 od 22.08.2018. godine o upisu ponuđača u Registar veleprometnika medicinskim sredstvima, ovjeren od strane nadležnog organa 17.04.2020. godine
- Pismena izjava iz člana 52. ZJN BiH, popunjena i potpisana od strane ovlaštene osobe, ovjeren od strane nadležnog organa dana 17.04.2020. godine, Prilog broj 3.
- Potvrda Agencije za lijekove i medicinska sredstva BiH, broj: 06-07.4-1-9794-2/18 od 11.04.2019. godine o upisu medicinskog sredstva u Registar medicinskih sredstva, kopija ovjeren od strane nadležnog organa dana 17.04.2020. godine,
- Potvrda Agencije za lijekove i medicinska sredstva BiH, broj: 06-07.4-1-9796-2/18 od 11.04.2019. godine o upisu medicinskog sredstva u Registar medicinskih sredstva, kopija ovjeren od strane nadležnog organa dana 17.04.2020. godine,
- EC Certifikat proizvođača B.Braun Njemačka, kopija, kopija ovjeren od strane nadležnog organa dana 17.04.2020. godine,
- Prospektni materijal od str.28. do str. 47. Kopija,
- Izjava ponuđača da je garantni rok 1 godina, da su za vrijeme garantnog roka rezervni dijelovi besplatni, da su obezbjeđeni rezervni dijelovi za 10 godina, da će se kvarovi otklanjati od 48 sati do 7 dana, da će ustupiti zamjenski aparat, da je opcija važenja ponude 120 (stotinudvadeset) dana, o mjestu isporuke, o roku isporuke od 40 dana, o elektronskoj korespondenciji.

Komisija utvrđuje da kandidat zadovoljava kvalifikacione uvjete, utvrđene članom 10. TD, odnosno sa izjavama i dokumentima traženim u tačke 4 i 9. TD, te se konstatuje da je kandidat uz Zahtjev za učešće dostavio dokumente tražene TD u ovjerenim kopijama.

Kandidat „**INEL MED**“ **d.o.o. Mostar** pozvan je da dostavi **inicijalnu** ponudu do 21.04.2020. godine do 11,00 sati, otvaranje koverta sa inicijalnom ponudom istog dana 10,05 sati, te vođenje pregovora sa kandidatom 21.04.2020.godine u 11,15 sati.

II Uvidom u Inicijalnu ponudu, uslove propisane TD i suštinskom provjerom sadržaja i validnosti dokumentacije, Komisija je utvrdila da je ponuđač uz Inicijalnu ponudu dostavio sljedeća tražena dokumenta:

- 1) Naslovna strana,
- 2) Sadržaj ponude,
- 3) Osnovni podaci o ponuđaču,
- 4) Obrazac za dostavljanje inicijalne ponude – Prilog 1
- 5) Obrazac za cijenu inicijalne ponude –Prilog 2
- 6) Parafiran i potpisan nacrt ugovora Prilog 4
- 7) Izjava o prihvatanju općih i posebnih uslova tenderske dokumentacije -Prilog 5
- 8) Obrazac izjava dobavljača o prihvatanju garancije za dobro izvršenje ugovora – Prilog 3
- 9) Forma garancije za dobro izvršenje ugovora – Prilog 6
- 10) Ostali uvjeti ponude, mjesto isporuke, rok isporuke, i uvjeti plaćanja u roku od 60 dana,
- 11) Izjava ponuđača o garanciji na opremu od 12 mjeseci,
- 12) Izjava ponuđača o valuti ponude,
- 13) Izjava ponuđača o opciji ponude od 120 dana.

Komisija za nabavku je uvidom u Obrazac za cijenu Inicijalne ponude utvrdila da je ponuđena cijena 29.700,00 KM bez PDV-a, popust 2.970,00 KM bez uračunatog PDV-a, tako da je ukupna cijena ponude sa uračunatim popustom **26.730,00 KM** bez uračunatog PDV-a.

Komisija je utvrdila da je ponudjač dostavio sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude. Sastanak završen u 11,15 sati. Ponuđač je u vezi Inicijalne ponude izjavio sljedeće **da ostaju pri cijeni datoj u Inicijalnoj ponudi u kojoj je dat popust i koju će potvrditi u Konačnoj ponudi.**

Komisija je nakon pregovora obavijestila ponudjača da će biti pozvan da dostavi svoju **konačnu** ponudu **22.04.2020. god. do 10,00** sati na bazi uvjeta koji su razmotreni na pregovorima.

IV Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Konačnu ponud dostavio sljedeća tražena dokumenta:

- 1) Naslovna strana,

- 2) Sadržaj konačne ponude,
- 3) Osnovni podaci o ponuđaču,
- 4) Obrazac za dostavljanje konačne ponude - Prilog 1
- 5) Obrazac za cijenu konačne ponude - Prilog 2
- 6) Ostali uvjeti ponude, mjesto isporuke, rok isporuke, i uvjeti plaćanja u roku od 60 dana,
- 7) Izjava ponuđača o garanciji na opremu od 12 mjeseci,

Komisija za nabavku je uvidom u Obrazac za cijenu Konačne ponude utvrdila da je ponuđena cijena 29.700,00 KM bez PDV-a, popust 2.970,00 KM bez uračunatog PDV-a, tako da je ukupna cijena ponude sa uračunatim popustom **26.730,00 KM** bez uračunatog PDV-a.

Komisija je utvrdila da je ponudjač „INEL MED“ d.o.o. Mostar dostavio sva tražena dokumenta, da je Konačna ponuda zadovoljila kriterije za zaključivanje ugovora. Procijenjena vrijednost nabavke je 27.000,00 KM bez PDV-a.

Komisija jednoglasno donosi preporuku da se Direktor JU Kantonalna bolnica Zenica predloži donošenje odluke o izboru ponudjača „INEL MED“ d.o.o. Mostar kao najpovoljnijeg i jedinog ponudjača za nabavku robe, mobilne stanice za infuzomate i perfuzore za potrebe JU KBZ (tender broj: 31-N-41/20) na iznos ponuđene cijene 26.730,00 KM bez PDV-a, te zaključivanje ugovora sa odabranim ponuđačem.

Na osnovu gore navedenog, donesena je odluka kao u dispozitivu.

Pouka o pravnom lijeku;

Protiv ove odluke može se uložiti žalba
Kantonalnoj bolnici Zenica u roku od 10 (deset) dana
od dana prijema iste.



Direktor

Prof.dr.sc prim Rasim Skomorac

